

Turkiston

1925-yildan chiqqan boshlagan

«Kamolot» yoshlar ijtimoiy harakati Markaziy Kengashining nashri

www.turkiston.uz

2013-yil 9-yanvar, chorshanba № 2 (15640)

Navqiron avlod so'zi

Мен Ватанга нима бердим?..

Янги йилни оиламиз билан хуш кайфиятда кутиб олдик. Эрта билан қилинган ният албатта ижобат бўлади, дейишади-ку. Менимча, январь — йилнинг эртаси, бинобарин, тилаклар ижобат бўладиган ой бўлса керак. Шунинг учун мен оила аъзоларим, яқинларим даврасида шоду хуррам ўтирар эканман, ич-ичимдан бу йил ҳам омадли келишини, ўйлаган барча режаларим амалга ошишини тиладим.

2012 йил мен учун омадли ўтди. Аслида, инсон ўзидан қониқса, бу унинг ўсишдан, изланишдан тўхтаганини билдиради, дейишади устозлар. Аммо интилишларинг бошқалар томонидан эътироф этилса, бу — кишига ўзгача қувонч бахш этар экан. Шу маънода мен дилимда чексиз миннатдорлик ва мамнуният хисси ила ўзим эришган натижалар ҳақида тенгдошларимга гапириб беришни маъқул топдим. Мақсадим уларни-да янаям кўпроқ ўқиб-изланишга, меҳнат қилишга ундашдир.

Ўзим тиббиёт соҳасида таҳсил оламан, бу соҳани яхши кўраман ва келажакда етук шифокор ва олима бўлиш ниятидаман. Шу билан бирга спортни ҳам ҳаётимнинг бир бўлаги сифатида қадрлайман. Сузиш билан шуғулланишим ва бу спорт тури бўйича мусобақаларда қатнашиб келаятганим замирида ҳам менинг спортга бўлган муҳаббатим мужассам. Керакли билимни олаверинглар, у ҳаётларингда албатта асқотади, дея таъкидлашдан чарчамайдиغان устозларимизнинг сўзларига амал қилган ҳолда, мен бу спорт турини мукамал даражада ўзлаштиришга ҳаракат қилиб келаяпман. Ва айтишим мумкинки, ютуқларим ҳам йўқ эмас.

2009 йил Хитойнинг Гуанжоу шаҳрида ўтказилган Осиё чемпионатида кумуш ва бронза медални қўлга киритганман. Уша йилнинг ўзида Япониядаги қитъа биринчилигида яна битта кумуш медалга сазовор бўлдим. Бир йилдан сўнг, яъни 2010 йилда Малайзияда бўлиб ўтган нуфузли халқаро мусобақада иккита олтин медал соҳиби бўлдим. 2011 йил ҳам қатор мусобақаларда совриндор бўлиш насиб этди. Сузиш бўйича ўтказилган Ўзбекистон чемпионатларида ўн уч марта чемпион бўлдим. 2012 йил ҳам мен учун омадли ўтди дейишимга сабаб — бу йилда мени юртимиз қизларининг энг севимли мукофоти, Зулфия номидаги Давлат мукофоти лойиҳа кўришди. Мен каби ёш, ҳали Ватан олдида қарзи кўп, аммо орзулари бир олам қиз учун бу ниҳоятда улкан эътирофдир. Биз, Ўзбекистонлик ҳар бир ёш йигит-қиз бизга ишонч билдирган, юрт келажаги сифатида қарайдиган Президентимиздан, давлатимиздан, бизни севувчи, дуо қилувчи халқимиздан миннатдорлик туйғуси билан яшамоқдамиз, илм олмоқдамиз, интилоқдамиз. Умид қиламанки, 2013 йил ҳам биз учун қувончли онларга бой бўлади.

Масалан, мен ўзим бу йил лицейни тугатиб, Тошкент тиббиёт академиясига ўқишга кирмоқчиман. Қолаверса, бир қанча спорт мусобақалари, жумладан, Испанияда ўтказилиши кутилаётган жаҳон чемпионатида иштирок этишни режа қилиб турибман.

Бизни севувчи, қўллаб-қувватловчи Юртбошимиз, элимиз, сабоқ берган устозларимиз учун ҳам ҳаммаша олға интилавераман. Бу интилиш менга мушуқлик эмас, доимо завқ бағишлайди.

Шоҳида ЗОХИДОВА,
Зулфия номидаги Давлат мукофоти соҳибаси



Сардор Муллажонов фотокolleжи

Ўзбекистон футболу юксак эътироф этилди!

Kun yangiligi

7 январь куни Халқаро футбол уюшмаси — ФИФА қароргоҳи жойлашган Швейцариянинг Цюрих шаҳрида 2012 йилги футбол мавсумининг қаҳрамонларини тақдирлаш маросими ўтказилди. Биз учун эътиборли ва қувончлиси, Ўзбекистон футболу жаҳонда энг кучлилар, энг яхшилар, энг зўрлар қаторида эътироф этилди ва муносиб тақдирланди.

Йил давомида чиройли ва энг муҳими ҳалол ўйин намойиш этиб, ёш спортчиларга ўрнак кўрсатган, футбол мухлислари олқишига сазовор бўлганлар учун таъсис этилган «Fair play» — «Ҳалол ўйин учун» соври-

ни Ўзбекистон футбол федерациясига тақдим этилди. Совринни Ўзбекистон футбол федерацияси президенти Мираброр Усмонов қабул қилиб олар экан, бу — Ўзбекистон футболу ривожини учун қилинаётган ишларнинг

юксак эътирофи эканини, юртимиз футболу хали бундан-да юксак натижаларга эриша олиши мумкинлигини таъкидлади.

Ҳа, чиндан ҳам ўтган йил юртимиз спортида муҳим воқеаларга бой бўлди. Хусусан, футбол бўйича миллий терма жамоамизнинг, клубларимизнинг, ўсмирлар ва ёшлар терма жамоаларининг, ҳакамларимизнинг халқаро мусобақалардаги муваффақиятли иштирокларини алоҳида таъкидлаш керак.

— Бу узоқ тарихга эга юртимиз футболининг,

футбол фидойиларининг, мураббий ва мутасаддиларининг, футболчиларининг, мухлисларининг — барчамизнинг ютуғимиздир, — дейди Ўзбекистонда хизмат кўрсатган ёшлар мураббийи, спорт шарҳловчиси Ахбор Имомхўжаев. — Обод турмуш йили мамлакатимиз спортида мана шундай ютуқ билан бошлангани, насиб этса, бошқа муваффақиятларнинг дебочаси бўлсин. Кириб келган йил футбол жамоаларимиз учун масъулиятли йилдир. Мен бу йилнинг аввалги йиллардагидан ҳам зафарларга бой бўлишига ишонаман.

(Давоми 2-бетда)

2013 йилдан бошлаб Ўзбекистонда ҳар йили ўтказиладиган ОЎЮни рейтинг баҳолаш тизими жорий этилади. Республика олий таълим муассасалари рейтингини тузиш ва уларни баҳолаш вазифаси Ўзбекистон Республикаси Вазирлар Маҳкамаси ҳузуридаги Давлат тест маркази зиммасига юклатилди. Рейтинг ОЎЮнинг илмий-педагогик фаолияти даражаси ва сифатини характерловчи маълумотлар базасини мунтазам равишда танлаб олиш ва шакллантириш асосида тузилади. Рейтинг ўқитиш сифати даражасининг индекси, талабалар ва битирувчилар малакасининг индекси, ОЎЮнинг илмий салоҳияти ва бошқа кўрсаткичлар асосида тузилади.

Hafta voqeasi

Hududlardan mujdalar

НАВОИЙ

Харакатнинг вилоят кенгаши ташаббуси ва мудофаа ишлари, адлия, маданият ва спорт ишлари бошқармалари, вилоят телерадиокомпанияси ҳамда «Дўстлик байроғи» газетаси ҳамкорлигида «Ватанпарвар» ташкилоти вилоят кенгаши курсантлари ўртасида «Ўзбегим ўғлонлари» ҳарбий спорт мусобақаси ташкил этилди.

Дастлаб курсантлар ҳарбий саф тайёргарлиги, сафда туриш қоидалари бўйича чиқиш қилишди. Сўнгра югуриш ва бошқа спорт турлари ҳамда ҳарбий техник тайёргарлик бўйича эгаллаган билимларини амалда намоён этишди. Тадбир давомида курсантлар билан давра суҳбати ўтказилди.

Мусобақа сўнгида беллашувда фаол қатнашган ва голиб бўлган курсантлар — Санъатжон Неъматов, Алишер Нутфуллаев, Шаҳбоз Комилов ҳамда «Ватанпарвар» ташкилоти вилоят кенгаши ўқитувчилари Шукрулла Ибодов, Дилшод Раҳматуллаев, Рўзимурод Нурқулов «Камолот» ЁИХ Навоий вилояти кенгашининг эсдалик совғалари билан тақдирланди. Шундан сўнг маданият ва спорт ишлари бошқармаси томонидан тайёрланган концерт дастури намоиш этилди.

СУРХОНДАРЁ

Ушбу вилоятда ҳам «Камалак»дан Янги йил!» лойиҳаси кўтаринки руҳда ташкил этилди.

Лойиҳа доирасида вилоятнинг барча ҳудудларида «Кўчма арча», «Биз биргамиз», «Янги йил муборак!» тадбирлари амалга оширилиб, кам таъминланган оилалар фарзандлари, ижтимоий ёрдамга муҳтож болаларга Қорбобо ва Қорқиз, миллий эртақ қаҳрамонлари ҳамда санъаткорлар иштирокида байрам совғалари улашилди.

Вилоят «Камалак» болалар ташкилоти сардорлар кенгаши Термиз шаҳридаги «Шифокор» маҳалласида яшовчи Шерзоджон Тоҳиров ҳамда Бобоҳўжаев кўчасида истиқомат қилаётган Евгения Ўразметовадан ҳам хабар олиб, «Камолот» ёшлар ижтимоий ҳаракати эсдалик совғаларини топширди.

Бу йил бошқача бўлади!..

Янги йил бошланди. Демак, янгиликлар қилишнинг айна фурсати. Ким-ким, лекин «Камолот»чиларда бундай янгиликлар ҳаммадан ҳам кўп ва хўпдир. Хўш, 2013 йилда ёшлар ҳаракати қандай лойиҳаларни ҳозирламоқда? Билиб оламиз.

Йилнинг дастлабки чораги ёшларнинг турли соҳалардаги иқтидори ва фаоллигини намоён этишларига қаратилган танловларга бой бўлиши кутилмоқда. Жумладан, март ойидан бошлаб ўрта махсус, касб-хунар таълими тизимида анъанавий «Сиз қонунни биласизми?» кўрик-танлови, олий таълим муассасаларида эса, «Энг намунали бошланғич ташкилот» лойиҳасига старт берилади. Экологик маданият ва экологик таълимни ўзида уйғунлаштирган янги лойиҳа — «Эко-бус» акцияси ҳам эрта кўкламдан амалга оширилади.

Интеллектуал салоҳиятга эга ёшлар март ойидан бошлаб олий таълим муассасалари ўртасида ўтказиб келинаётган «Тафаккур синовлари» кўрик-танлови ҳамда изланувчи ва тадқиқотчи талабалар учун махсус таъсис этилган «Камолот» гранти» дастурида иштирок этишлари мумкин.

Обод турмуш йилида «Камолот» ЁИХ маҳаллалардаги уюшмаган ёшлар, ижтимоий ҳимояга муҳтож оилалар фарзандлари ҳамда жисмоний имконияти чекланган болалар билан ишлашга алоҳида эътибор қаратади. Масалан, «Орзулар бекати» мавзусидаги хайрия акциясини ўтказиш ва унинг доирасида имконияти чекланган болалар томонидан тайёрланган маҳсулотлар кўргазмасини ташкил этиш режалаштирилмоқда.

Йил мавзуси Харакатнинг бир қатор янги лойиҳалари: «Обод кўнгил» номли шеър-

лар тўплами, «Юртим обод, турмушимиз чиройли» мавзусидаги ижтимоий роликлар интернет-танлови, «Юртим манзаралари» мавзусидаги қисқа метражли фильмлар танлови, ўқувчилар ўртасида халқимизнинг обод турмуши ва фаровон ҳаётини акс эттирувчи «Она юртим — олтин бешигим» мавзусидаги фото ва расмлар танловининг мазмун-моҳиятида ўз ифодасини топган.

Харакат янги йилги иш режасида байналмилаллик мавзусига кенг ўрин ажратган. Йил давомида мамлакатимиз бўйлаб «Шу азиз Ватан — барчамизники!» ҳамда «Биз бир замин, бир замон фарзандларимиз» шиорлари остида юртимизда истиқомат қилаётган турли миллат ёшлари иштирокидаги дўстлик фестиваллари бўлиб ўтади. Яна бир янги лойиҳа — «Мен нечун севаман Ўзбекистонни?» мавзусидаги иншоолар танлови ҳам турли миллатга мансуб ёшларни бирлаштириш ғоясига асосланган.

Харакатнинг энг йирик ва кенг қамровли ижтимоий-сиёсий лойиҳаларидан бири — «Концепция — мамлакатимиз тараққиётининг кафолати» тарғибот лойиҳаси бу йил янги босқичга кўтарилади. Энди у ёшлар орасида Концепциянинг мазмун-моҳиятининг эмас, мазкур дастурил-амал ҳужжатнинг юзасидан амалга оширилаётган ишларни ҳам тарғиб қилишга хизмат қилади.

Ёшларни тадбиркорликка жалб этиш ҳамда бандлик масалалари жорий йилда ҳам Харакат фаолиятидаги устувор йўналишлар сифатида сақлаб қолинади. Хусусан, шахсий бизнесини бошлаш ёки кенгайтириш мақсадида бўлган ёшлар апрель ойидан бошлаб «Ёш тадбиркор — юртга мададкор» ҳамда «Ёш тадбиркор — келажакка пойдевор» танловларига ўз бизнес режаларини топширишлари мумкин. Академик лицей ва касб-хунар коллежлари битирувчилари учун ташкил этиб келинаётган «Менинг



бизнес ғоям» танлови эса, бу йил ўз ишини май ойидан сентябргача давом эттиради.

Май-июнь ойларида республикамиз ҳудудларида ҳамкор ташкилотлар билан бирга анъанавий бўш иш ўринлари ярмаркалари ўтказилади. Харакатнинг ёшлар орасида тадбиркорликни ривожлантириш ва бандликка кўмаклашиш тадбирлари сирасидан «Таълим ва мутахассислик» VIII халқаро кўргазмаси (февраль), «Мутахассислик — сенинг келажакинг» таълим кўргазмаси (май), «Minitch.uz» халқаро кўргазмаси (ноябрь), «Бунёдкор» ёшлар меҳнат ҳаракати (март-ноябрь), шунингдек, «Ватаним тараққиётига менинг ҳиссам» шиори остида ёш тадбиркорлар томонидан ишлаб чиқарилаётган маҳсулотлар кўргазмалари (июнь-август) ўрин олган.

Янги йилда «Камолот» ЁИХ ҳудудий кенгашлари қошида фаолият кўрсатаётган «Ёшлар ижтимоий хизматлари», «Ёш

оила» марказлари ҳамда «Ёш тадбиркор» консультатив марказларининг фаолияти кенгайтирилади. Хусусан, ЁИХМларнинг барчасида инглиз тилини ўрганиш ва компьютер саводхонлиги тўғрақлари очилади. Бундай марказларнинг моддий-техник базасини мустаҳкамлаш ҳам диққат-эътибордаги масаладир. Июнь ойида улар ўртасида «Йилнинг энг яхши «Ёшлар ижтимоий хизматлари маркази» танловини ташкил этиш кўзда тутилган.

Айни пайтда «Камолот» ёшлар ижтимоий ҳаракати интернет маконидаги веб-ресурсларини ривожлантиришга юқори эътибор қаратмоқда. Яқин орада глобал тармоқда Харакатнинг янги веб-лоийҳаси — ёшлар портали ишга туширилади. Бу ҳақда газетанинг навбатдаги сонларида сўз юритамиз.

Наргиза БАҲОДИРОВА,
«Turkiston» мухбири

Ўзбекистон футболчи юксак эътироф этилди!

(Давоми, боши 1-бетда)

Икки юздан зиёд мамлакат аъзо бўлган Халқаро футбол уюшмасининг бу галги мукофотларига, айтиш мумкин, санокли мамлакат вакиллари сазовор бўлди. Яъни Ўзбекистондан ташқари, Испания, Аргентина, Бразилия, Португалия, Словакия, Колумбия, АҚШ вакиллари бундай эътирофларга лойиқ топилди.

ФИФА томонидан йилнинг рамзий терма жамоаси эълон қилинди ва ундан ўрин олган футболчиларга махсус совринлар топширилди. Қизиғи шуки, ундан ўрин олган олти нафар футболчи Испания терма жамоасидан, икки нафари Бразилия терма жамоасидан. Шунингдек, Аргентина, Португалия ва

Колумбиядан биттадан футболчи йил жамоаси таркибидан жой олди.

Йилнинг энг яхши футболчиси бўлиш учун аргентиналик Лионел Месси, испаниялик Андрес Инiesta ва португалиялик Криштиану Роналду даъвогар эди. ФИФА мана, кетма-кет тўртинчи бор «Олтин тўп»ни Лионел Мессига тақдим этди. 2012 йилда 91 та гол урган ва бошқа кўрсаткичлари билан бир қатор жаҳон рекордларини «қулатиб ўйнаган» суперхумучининг бу совринга асосий даъвогар экани кўпчилик томонидан эътироф этилганди. Тахминлар деярли тўғри чиқди ва энди Месси «Олтин тўп» соҳиблари орасида ҳам рекордчига айланди. Унга ҳеч ким бу мукофотни тўрт марта қўлга киритмаган эди.

Испания терма жамоаси билан авва-

лига жаҳон (2010 йил), сўнгра Европа чемпионлиги (2012 йил) сазовор бўлган Висенте Дел Боске ўтган йилнинг энг яхши мураббийи деб тан олинди. Шунингдек, фаолияти давомида Европа чемпионлар лигаси, суперкубоги, қитъалараро кубок соҳиб сифатида донг таратган бу машҳур мутахассис, мана бу гал энди жаҳоннинг ҳам энг зўр мураббийи сифатида эътироф этилди.

Тадбирда йилнинг энг яхши аёл футболчиси, аёллар жамоаларининг энг яхши мураббийи, йилнинг энг чиройли голи муаллифи сингари номинациялар бўйича ҳам совриндорлар аниқланиб, тақдирланди.

Элмурод НИШОНОВ,
«Turkiston» мухбири

Shunday markaz bor!..

Ўз номига муносиб

2012 йил охирида «Камолот» ёшлар ижтимоий ҳаракати Қизилтепа тумани кенгаши қошидаги «Ёшлар ижтимоий хизматлари» маркази «Энг намунали «Ёшлар ижтимоий хизматлари» маркази» деб топилди. Албатта, бундай муваффақиятга эришишнинг ўзи бўлмайди. Буни меҳнат ва изланишлар самараси дейиш мумкин. Хўш, марказ фаолияти қандай? Қўйида шу ҳақда сўзлашамиз.



мўлжалланган. Марказда 2009 йилда «Бугуннинг ёшлари» ташаббускор ёшлар клуби ташкил этилди.

— Дастлаб ушбу клуб ўз фаолиятини бошлаганда ўн тўрт нафар аъзоси бўлган бўлса, бугунги кунга келиб уларнинг сони икки юз нафардан ортиб кетди, — дейди «Ёшлар ижтимоий хизматлари» маркази координатори Ўлмас Иброҳимов. — Ўтган йилнинг ўзида марказдаги тўғарақлар ва «Бугуннинг ёшлари» ташаббус-

кор ташаббускор ёшлар клубига бирлашган ёшларнинг кўпчилиги олий таълим муассасалари талабалари, шунингдек, ёш тадбиркор ва хунармандлар сафида катта ҳаётга кириб келмоқда. Шундай ёшлардан бири Ирода Бўтаева. У вилоятдаги ёш хунармандлардан бири.

— Ҳаракатнинг туман кенгаши ва «Бугуннинг ёшлари» клуби истеъдод ва иқтидоримни шакллантиришда, орзу-умидларим учун ҳақиқий таянч ва суянч бўляпти. Чунки ушбу клуб фаолияти орқали «Келажак овози» танлови ғолиби ва қаратэ-до бўйича икки қарра Ўзбекистон чемпиони бўлдим. Ўтган йилнинг ноябрь ойида вилоятда ўтказилган «Ватан тараққиётига менинг ҳиссам» ёш тадбиркорлар фестивалида «Энг ёш хунарманд» номинацияси ғолиблигини қўлга киритдим. Бугун мен ўз бизнесини бошлаётган ёшлардан бири сифатида ушбу ютуқларимни янада кўпайтириш учун «Камолот» билан бирга иш олиб бораётман, — дейди ёш хунарманд Ирода Бўтаева.

Обод турмуш йилида ҳам «Ёшлар ижтимоий хизматлари» марказида бир қатор янгилликлар кутилмоқда. «Камолот»чилар туман ёшларининг қизиқиш ва истақларидан келиб чиққан ҳолда миллий кураш ва компьютер тўғарагини ташкил этишни режалаштирган.

Болажонларнинг бўш вақтини мазмунли ўтказишда бундай марказларнинг ўз ўрни бор. Бу ҳақда ота-оналарнинг фикри қан-

дай? Келинг, яхшиси, бу ҳақда уларнинг ўзидан эшитайлик.

Шоҳиста Фиёсова, уй бекаси:

— Қизим Азиза Жумаева «Ёшлар ижтимоий хизматлари» марказида зардўзлик ва бисерлик йўналиши бўйича хунар эгаллаб келмоқда. У ўн бир ёшда бўлишига қарамай, кўплаб ижодий ишларни мустақил бажара олади. Бундан нафақат биз, ота-оналар, балки фарзандларимиз ҳам хурсанд. Уларни ёшлиқдан ҳаётга тайёрлашда ушбу марказнинг ўрни катта. Шунинг учун бундай марказлар фаолиятини янада кенгайтириш зарур.

Нилуфар Рўзиева, тадбиркор:

— Кўп вақтим иш билан ўтади. Фарзандларимга ҳам кўп нарсаларни ўргатишга улгурмайман. Бунда «Ёшлар ижтимоий хизматлари» маркази фарзандларимнинг яқин ёрдамчисига айланган. Ҳозир қизим Ҳилола ҳам ушбу марказда касб-хунар ўрганиш билан бирга бўш вақтини мазмунли ўтказяпти. Янги дўстлар орттириб, «Камолот» томонидан ташкил этилган кўплаб тадбир ва танловларда қатнаша бошладим. Бундан мамнунман.

Бугун бундай марказлардан ўқувчи-ёшлар билан бирга ота-оналар ҳам хурсанд. Чунки улар фойдали ва самарали, энг асосийси, бепул тўғарақларда хунар ўрганишяпти. Сизнинг фарзандларингиз-чи?

Рустам ЮСУПОВ,
«Turkiston» мухбири

Олти йилдан буён фаолият кўрсатаётган ушбу марказнинг асосий мақсади туман ёшларининг бўш вақтларини мазмунли ташкил этиш, уларнинг интилиш ва қобилиятларини қўллаб-қувватлаш, касб-хунар ўргатиш ва касбий малакаларини ривожлантиришдан иборат. Бугун марказга фаол ёшлар билан бирга имконияти чекланган ёшлар, кам таъмин-



ланган оилалар фарзандлари, ИИБ профилактик ҳисобига олинган вояга етмаганлар ҳамда вақтинча ишсиз ёшлар ҳам қатнамоқда.

Айни кунда марказда тикувчилик ва зардўзлик тўғарақлари фаолият кўрсатмоқда. Ушбу тўғарақлар негиздаги рассомлик, дизайнерлик санъати, каштачилик, элита пардалар тикиш, юмшоқ ўйинчоқлар, бисер ишлари, апликация, сунъий гуллар ясаш, қуроқ тикиш йўналишлари ўқувчи-ёшлар билан гавжум. Тўғарақларда ўқиш жараёни уч ойга

кор ёшлар клуби томонидан тарихий шаҳарларга саёҳат, ёшлар фестивали, спорт мусобақалари, давра суҳбатлари ҳамда турли лойиҳалар ташкил этилди. Шунингдек, «Ёшлар ижтимоий хизматлари» марказининг моддий-техник базасини қўллаб-қувватлаш мақсадида Ҳаракатнинг туман кенгаши Васийлик Кенгаши томонидан алоҳида бино, қўшимча хизмат хоналари, бешта комплект компьютер жамланмаси ва бошқа ҳомийлик ёрдамлари кўрсатилди.

Ҳозирда «Бугуннинг ёшла-

Мобиль алоқа операторлари учун инвестициялар

Ўзбекистондаги мобиль алоқа операторлари 2013 йилда 74,79 миллион АҚШ доллари миқдоридаги инвестицияларни ўзлаштиришни режалаштирган.

2013 йилга мўлжалланган инвестиция дастурига мувофиқ «Билайн» сав-

до белгиси ва «Unitel» МЧЖ GSM тармоқларини ривожлантиришга 48 миллион АҚШ доллари миқдорида маблағ сарфлайди.

«Ucell» савдо белгиси ва «Coscom» МЧЖ 2013 йилда GSM стандартидаги тармоқни техник ҳамда технологик жиҳатдан ривожлантиришга 20 миллион йўналтиради.

«Ўзбектелеком» АК эса Ўзбекистон худудларида CDMA-450 мобиль тармоғини EVDO технологиясини жорий этган ҳолда ривожлантиришга 6,79 миллион АҚШ доллари миқдоридаги маблағни йўналтиришни режалаштирган.

Таъкидлаш жоизки, UzDaily маълумотларига кўра, Ўзбекистон ҳукумати 2013 йилда 3,017 миллиард АҚШ доллари миқдордаги хориж инвестицияларини ўзлаштиришни режалаштирмоқда.

«Туркистон-пресс»

Hududlardan mujdalar

ҚОРАҚАЛПОҒИСТОН

14 январь — Ватан ҳимоячилари кўни муносабати билан Тахиятош шаҳридаги ҳарбий қисмда «Энг яхши сержант» кўрик-танлови бўлиб ўтди.

Ҳаракатнинг Тахиятош шаҳар кенгаши ташаббуси ва бир қатор ҳамкор ташкилотлар билан бирга-

ликда ташкил этилган ушбу танловда қатнашган сержантлар ҳарбий соҳага оид шартлар бўйича беллашди. Уларнинг интеллектуал салоҳиятини аниқлаш учун савол-жавоб шarti ҳам ўтказилди. Беллашувнинг қизгин дақиқалари спорт мусобақаларида кечди.

Танлов сўнгида ҳар бир шартни муваффақиятли бажарган сержант «Энг яхши сержант» деб топилди.

Ватан ҳимоячилари кўнига бағишлаб ўтказилаётган тадбирлардан яна бири Нукус шаҳридаги ҳарбий гарнизонда ҳам бўлиб ўтди.

ЖИЗЗАХ

Юнус Ражабий номидаги вилоят мусиқали драма театрида «Энг намунали милиция таянч пункти» кўрик-танловининг вилоят босқичи бўлиб ўтди.

Вилоят ҳокимлиги, ИИБ, маданият ва спорт ишлари бошқармаси, «Камолот» ЁИХ, Хотин-қизлар кўмитаси, «Маҳалла» хайрия жамоат фонди вилоят бўлими, вилоят касаба уюшмаси ва бир қатор ташкилотлар ҳамкорлигида ўтказилган ушбу танловда вилоятдаги энг илғор милиция таянч пунктлари иштирок этди.

Танлов сўнгида биринчи ўринга Жиззах туманидаги Қулама қишлоқ фуқаролар йиғинидаги 34-милиция таянч пункти, иккинчи ўринга Зомин туманидаги «Тошкесган» маҳалласидаги 87-милиция таянч пункти, учинчи ўринга Жиззах шаҳридаги «Иттифок» маҳалласидаги 24-милиция таянч пункти муносиб деб топилди. Қувонарлиси, танловнинг «Баркамол авлод етакчиси» номинацияси ғолиблигига «Камолот» ЁИХ Жиззах вилояти кенгаши бўлим мудири Дурдона Раҳимова сазовор бўлди.

Рағбатга муносиб устоз, шогирдлар

Ilg'or ta'lim maskanlarida

Коллеж деганда, ҳозир кўпчилик «амалиётчи», «битирувчи» деган сўзларни ҳам беихтиёр тилга олади. Коллеждаги нафақат ўқув, балки амалий жараёнга ҳам эътиборнинг кучайганлиги бунга асосий сабаб бўлса керак. Фаллаорол туманида мактаб битирувчилари у ерга кириб ўқишни ҳавас қиладиган коллеждардан бири — бу Лалмикор саноат касб-ҳунар коллежидир.

Директор Зоҳид Усмоновнинг айтишича, ўтган ўқув йилида 288 нафар ўқувчи коллежни битирган бўлса, уларнинг 9 нафари олий ўқув юр்தларига ўқишга кирди. 276 нафар ўқувчи халқ хўжалигининг турли соҳаларида ишга жойлашди. Айниқса, Навоий кон-металлургия комбинати ДК тизимидаги корхоналарга 118 нафар битирувчининг ишга жойлашиши коллеж жамоаси учун катта ютуқ ҳисобланади.

Худудда Маржонбулоқ олтин кони фаолият кўрсатади. Шу сабаб саноат соҳаси коллежининг асосий йўналиши ҳисобланади. Коллеж замонавий услубда 720 нафар ўқувчига мўлжаллаб қурилган бўлиб, 50 ўринли ётоқхона, 120 ўринли ошхона, 720 ўринли футбол стадиони, спорт зали, ўқув устахонаси ва АРМга эга.

Бундан ташқари, учта лаборатория мавжуд ва тикувчилик цехи 12 та замонавий тикув машинаси билан жиҳозланган.

Ахборот-ресурс марказининг умумий китоб фонди 10084 тани ташкил қилади. Махсус адабиётларнинг 323 таси металлургия, 256 таси фойдали қазилмаларга, 98 таси геологияга, 223 таси тоғ-кон ишларига тааллуқли. Тоғ-кон ишлари бўйича иккита ўқитувчи фаолият олиб бормоқда. Улардан А. Ҳайитов кўп йиллар Самарқанд геология экспедициясида ва Фаллаорол туманидаги ўқув марказида фаолият кўрсатган. 2009 йил сентябрь ойидан бошлаб коллежда ўқувчиларга металлургия соҳасида таълим бериб келмоқда.

Яқинда коллеж жамоаси ва ўқувчилар қувончли воқеанинг гувоҳи

бўлишди. Коллежда энг илғор ўқитувчи ва ўқувчиларга рағбат пуллари ва стипендия топшириш тадбири бўлиб ўтди. Тадбирда вилоят ва тумандаги мутасадди ташкилотлардан вакиллар, Олмалиқ кон-металлургия комбинати очиқ акционерлик жамияти ўқув маркази бошлиғи Файрат Салимбоев, марказ етакчи мутахассиси Фозил Мирзаев иштирок этди. Ушбу комбинат тамонидан ажратилган маблағ ҳисобига коллежининг ўн нафар аълочи ўқувчиси энг кам иш ҳақининг бир баравари миқдорида — беш ойга 360 минг сўмдан стипендия, 5 нафар илғор ўқитувчи эса, энг кам иш ҳақининг икки баравари миқдорида — беш ойга 720 минг сўмдан рағбат пули билан тақдирланди.

— Вазирлар Маҳкамаси қошидаги Геология, ёқилғи-энергетика комплекси, кимё, нефть-кимё ва металлургия саноати департаментининг 2011 йил 14 январдаги топшириғига асосан, Лалмикор саноат касб-ҳунар коллежи Олмалиқ кон-металлургия комбинати ОАЖ ва Навоий кон-металлургия комбинати

ДКга бириктирилган, — дейди Олмалиқ кон-металлургия комбинати ОАЖ ўқув маркази бошлиғи Файрат Салимбоев. — Коллеж комбинатимиз билан ўтган давр ичида анча ишларни амалга оширди. Жумладан, Фориш тумани худудида жойлашган Учқулоч кони мутахассислари билан икки марта учрашув ўтказилди. Кон маъмурияти коллеж фан хоналари ва ўқув устахоналарини жиҳозлаш учун ўн бир миллион сўмлик кўргазмали қурулларни коллежга ёрдам сифатида тақдим этди. Бундан ташқари, ўқувчиларнинг ишлаб чиқариш ва дипломолди амалиётларини ОАЖ таркибидаги корхоналарда ўтказиш ва келгусида битирувчиларни ишга жойлаштириш масалалари бўйича ишлар олиб борилмоқда. Республика бўйича тоғ-кон йўналишидаги ўн та коллеж бизга бириктирилган. Шулардан бештасини оталиққа олганмиз. Уларнинг географик ўрни ҳар хил: бу коллежлар Тошкент, Наманган, Жиззах, Сурхондарё вилоятларида жойлашган. Ҳукумат топшириғига биноан, «Олмалиқ кон-металлургия комбинати ОАЖ коллеж



ўқувчиларига стипендия бериш ва ўқитувчиларга қўшимча тўловлар бериш тўғрисида»ги қўлланма ишлаб чиқилган. Ушбу қўлланмага биноан, оталиққа олган коллежларимиздаги аълочи ўқувчиларга стипендия ва илғор ўқитувчиларга рағбат пули беришни йўлга қўйдик.

Бундан ташқари, коллеж Навоий кон-металлургия комбинати ДК билан ўтган давр ичида анча ишларни амалга оширди. Ўқувчилар ўз мутахассисликлари бўйича комбинат тизимидаги корхоналарда ишлаб чиқариш ва дипломолди амалиётларини ўташмоқда. Маржонбулоқ олтин кони коллеж моддий-техник базасини яхшилаш учун бир дона ўқув токарлик дастгоҳи берди. Бу дастгоҳдан ўқувчилар

амалиёт даврида фойдаланишмоқда.

— Бундай эътибордан жуда хурсанд бўлдим, — дейди тақдирланган ўқитувчилардан бири Худойберди Назаров. — Уч ўлчамли моделлаштириш фанидан дарс бераман. Ҳали ёш ўқитувчиман. Бу эътибор эндиликда мени бор билимимни ишга солиб, тажрибаларимни янада бойитишга ундайди.

Тадбирда кекса педагог Ҳамро Очилов, тақдирланган ўқувчилардан Дилдора Тожиёва, Суннат Абдуҳамидов, тақдирланган ўқитувчилардан эса Саодат Жониқулова сўзга чиқиб, ОАЖ жамоасига ўз миннатдорлигини билдирди.

Шоди ОТАМУРОДОВ,
«Turkiston» мухбири

«Қишлоқ қурилиш банк» — МОЛИЯВИЙ ҲАМКОРИМИЗ

Reklama

Сўнгги йилларда мамлакатимизда кичик бизнес ва хусусий тадбиркорлик субъектларига берилаётган имкониятлар ички истеъмол бозорини янада ривожлантириш, рақобатбардош ва сифатли маҳсулотлар ишлаб чиқаришни йўлга қўйиш, энг муҳими, янгидан-янги иш ўринлари яратиш борасида муҳим аҳамият касб этмоқда.

Биз ўз ҳисоб рақамимизни очган банкнинг фаолиятимиз доирасидаги эътиборини доимо ҳис қилиб тураемиз.

«INTER PRO KON QURILISH» масъулияти чекланган жамияти 2010 йил 22 январда ташкил қилинган бўлиб, фаолиятимизни янада кенгайтириш мақсадида аҳолини ва қурилиш ташкилотларини арзон ва сифатли қурилиш материаллари, йўлак плиталари ва бетон маҳсулотлари билан таъминлаш ва ишлаб чиқариш бўйича бизнес режа ишлаб чиқдик. Бизнес режа ҳамда бошқа зарур ҳужжатларни ОАТБ «Қишлоқ қурилиш банк» Наманган минтақавий филиалига тақдим этдик.

Бизнес режамизни маъ-

уллаган ҳолда 2012 йилнинг 17 октябрида имзоланган кредит шартномасига асосан, 80 миллион сўм миқдорида узоқ муддатли кредит ажратилди. Бу маблағ ҳисобига жамият тамонидан ҳозирги замон талабига жавоб берадиган йўлак плиталари ишлаб чиқариш дастгоҳлари ва хомашё материаллари сотиб олинди. 2012 йилнинг ноябрь ойидан бошлаб барча усуналарни босқичма-босқич ишга туширдик.

Мазкур лойиҳа Наманган шаҳрида ишга туширилган бўлиб, арзон ва сифатли қурилиш материаллари, йўлак плиталари ва бетон маҳсулотлари ишлаб чиқа-



риш ҳамда аҳолини иш билан таъминлаш мақсадида фаолият юритмоқда.

Ушбу лойиҳанинг муҳим жиҳати шундан иборатки, Ўзбекистон Республикаси Президентининг 2009 йил 28 январда қабул қилинган «Мамлакатимизда ноозиқ-ов-

қат истеъмол товарлари ишлаб чиқаришни кенгайтиришни рағбатлантиришга доир қўшимча чора-тадбирлар тўғрисида»ги қарори ижросини таъминлаш, аҳолини иш билан таъминлаш масаласига ўз улушини қўшди. Лойиҳа натижасида Наманган шаҳри-

да ўн та янги иш ўрни яратилди. Бу иш ўринлари, асосан, ёшлар учун ташкил этилиб, учта иш ўрнига касб-ҳунар коллежи битирувчилари жалб этилди.

Лойиҳани амалга ошириш натижасида жамият тамонидан ҳозирги кунда ўттиз турдаги йўлак плиталари ишлаб чиқарилмоқда ва замон талабига жавоб берадиган йўлак плиталари ва бетон маҳсулотлари ишлаб чиқарилиб, республикамизнинг бир неча вилоятларига шартнома асосида етказиб берилмоқда.

2013 йил — Обод турмуш йилида ҳам эзгу ишларни давом эттириш, янги иш ўринлари ташкил этиш, ишчи-ходимларимиз даромадларини ошириб бориш ва жамият иш фаолиятини янада кенгайтириш учун бошқа турдаги ишлаб чиқаришларни ташкил этиш билан биз ҳам юртимиз фаровонлиги, унинг иқтисодий мустақамлигига муносиб ҳисса қўшамиз, деган умиддамиз.

К.ЙЎЛДОШЕВ,
«INTER PRO KON QURILISH» МЧЖ раҳбари

Юртни ҳимоя қилиш бахти

ОТАЛАР ЙИГЛАМАСИН ДУНЁДА!

Мен мардларча ҳалок бўлган офицернинг отаси — ҳадикентлик Масалбек ака Ёкубовнинг ҳолатини ҳамон дилда оғриқ билан эслайман. Эндигина 24 ёшга тўлган ўглининг хизмат чоғида ҳалок бўлгани-ю, тақдирнинг бу зарбасидан умр йўлдоши ҳамон ўзига келолмаётганлиги, бироқ Ватан корига яраб кетган, ота-онасининг юзини ёруғ қилган Шерзодбекдай фарзандидан фахрланиб яшаётганлигини айтганди. Ногоҳон отанинг кўзларидан оққан шашқатор ёшлар юзини ювганди, ўшанда.

Ҳа, дунёда оталар асло йиғламасин экан!

Яқинда бир ҳамкасбим ушбу воқеани айтиб берди: бир оилада тўрт ўғил вояга етибди. Кенжаси ҳар хил даражадаги жиноятларни содир этиб, уч-тўрт марта қамалиб қолибди. Ҳозир ҳам қамокда экан. 35 ёшга етган ўғилнинг уч боласини боқиб, кийдириш, тарбиялаш етмишдан ошган отанинг бўйнида экан. Оёқ-қўлини узатиб ётиш ўрнига, ота ҳамон қора ишларни қилиб, нафақасига қўшимча пул топишнинг ғамида яшаркан. Ота қачон ҳаловат топади, қачон ўзи учун яшайди?

Ота ҳамкасбимга юрагидаги ҳасратини айтиб йиғлабди. Икки отанинг кўз ёшлари... Бири барвақт жудоликдан ўкинса-да, гурур билан йиғлади. Иккинчиси санокда бору, сифатда йўқ, ҳамон боқиманда, юрт корига яраш у ёқда турсин, муштипар онаси, хокисор отасининг белига мадор, кўзларига нур бўлиш ўрнига, ситамлар келтираётган нобакор фарзанд дастидан йиғлади.

Биласизми, ҳикматларни ўқишни ҳам, дафтарим ҳошиясига ёзиб юришни ҳам, яқинларимга етказишни ҳам яхши кўраман. Энди



ушбу ҳикматни эшитинг-а: «Мол-давлатингдан айрилсанг — кўп нарса йўқотмайсан, номусингдан айрилсанг — анча нарса йўқотасан, мардлингдан айрилсанг — ҳамма нарсангдан маҳрум бўласан», деган экан бир донишманд. Мардликни ўз манфаати йўлида ишлатиб, инсоний фазилатларини йўқотиб қўядиганлар орамизда учраб туради. Манфаат бор жойга миннат ҳам келиб қўшилади. Бироқ ҳақиқий мардлик эзгулик сингари беминнатдир. Ўз манфаатидан Ватан манфаатини устун қўя оладиган Шерзодбек Ёкубововдек миллатимизнинг асл ўғлонлари тимсолида кўраман беминнат мардликни...

САЙДУЛЛА ФЕРМЕРНИНГ ҚАЛБИ

Исковотнинг Гандибулоқ худудида — адирликда «Зокирхонов Баҳром Сайдуллаевич» фермер хўжалиги бор. Уни ўрта бўйли, буғдойранг,

юз-кўзидан шижоат ёғилиб турган йигит — Сайдулла Зокирхонов бошқаради. Исковот марказидан ўн-ўн беш километр узокликдаги хўжаликка уч-тўрт марта бордим. Очиғини айтганда, бу ерда деҳқончилик қилиш — машаққат. Насос орқали сув келади, фермернинг айтишича, қувурларнинг ярмидан кўпи эски, ямалгани-ямалган. Охирги марта борганимда фермернинг ўзи қўлида кетмон билан янги экилган ғаллазорда майса ундириш учун сув тараб юрибди. Жуда толиққан, бироқ нигоҳларида бошлаган ишини охирига етказмасдан қўймайдиган одамнинг важоҳати бор. Уни саволга тутдим:

— Шундай шароитда, қийинчилик билан фермерлик қилиш азоб бўлса керак?..

У менга ғалати қаради, сездим, саволим оғир ботди.

— Сувга сероб, фермер бир имо қилса, ишчилар юғриб келадиган жойда фермерлик қилсангиз бўлмайди-

ми, демоқчисиз-да...

Энди мен ҳам ўнғайсиз ҳолатда қолдим.

— Ахир, сиз тенги ёшлар одам топмас адирликда умрини ўтказмайди-да... — Бу саволни Сайдулланинг қалбини янада чуқурроқ англамоқ учун атайин бердим. Фермер йигит бир оз ўйга толди, кейин кўзлари чақнаб юрагини ёзди:

— Опа, биласизми, мен кимнинг фарзандиман? Томиримда кимнинг қони оқмоқда, қулоқларим остида кимнинг насихатлари жарангламоқда? Мен — ҳар бир исковотликнинг ёдида қолган, умр бўйи далада пахтакор, ғаллакор, боғбон бўлиб, ер билан «тиллашган», ерни боққан, ҳалоллиги, камтаринлиги билан ҳаммага ёққан одамнинг набирасиман. Бобом Ҳошимхон Нажмиддиновнинг излари бор бу далаларда. Табаррук касбни — уста деҳқонликни мен давом эттирмасам уят эмасми? Агар шу қийинчиликлардан қочиб,

енгил ҳаётни танласам, бобомнинг руҳлари безовта бўлмайдами?

Орага сукут чўқди. Сайдулла бир оз хижолатлик билан жилмайди-да:

— Э-эҳ, яна сув тўхтабди, насоснинг қаеридир ёрилган кўринадди, хабар олай-чи, — дея кетмонини кўтариб йўлга тушди.

Ўшанда менинг кўз ўнгимга яна кимлар келди, денг? Барча қийинчиликлар, оғирликларга қарамай, ўз ҳаловатидан кечиб, Ватанини ҳимоя қилаётган аскарлар... Кейин... Шерзодбек ҳам. Улар билан Сайдулла фермер ўртасида жуда яқин ўхшашликларни сездим. Мардлик, юртпарварлик, фидойиликни фаол фуқаролик бурчига айлантириб олган йигитлар. Бундайларни эгиб, букиб бўлмайди. Уларнинг юраги Ватан, дея уриб туради. Бироқ... юраги хувиллаб ётганларга эса... раҳмим келади...

Дилбар АСҚАРОВА,
«Turkiston» муҳбири

Tashabbus

Бирлашиб биз — катта кучмиз!

«Жасорат» ёшлар клуби ҳақида

«Камолот» ЁИХ Фарғона вилояти кенгаши қошида «Жасорат» клуби ташкил этилган. Клуб ҳарбий хизматни ўтаб, олий таълим муассасаларида таҳсил олаётган фаол талаба-ёшларнинг ташаббускорлиги асосида иш юритади. Унга ўн тўрт ёшдан ўттиз ёшгача бўлган йигит-қизлар аъзо бўлиши мумкин.

«Жасорат» клубининг муҳим йўналишларидан бири шуки, у ёшларни қизиқишларига қараб бирлаштиради ва уларнинг интеллектуал, ижодкорлик ва ташаббускорлик салоҳиятларини янада ривожлантиришга, малакали

кадрлар бўлиб етишишларига кўмаклашади. Бундан ташқари, талаба-ёшларнинг ижтимоий-сиёсий билимларини ошириб, етакчилик қобилиятини шакллантиради.

Ҳаракатнинг Фарғона вилояти кенгашида маз-

кур клуб аъзоларининг турли мавзулардаги учрашувлари ташкил этилади. Бу уларнинг бир мақсад йўлида бирлашишлари, қилинган ишлар сарҳисоби ҳамда келгуси режаларни муҳокама қилишда катта ўрин тутаяпти.

— Клуб ишини самарали ташкил этишда доимий кўмақдош ва маслаҳатгўймиз, — дейди Ҳаракатнинг вилоят кенгаши бўлим мудир Собиржон Мелибоев. — Клуб фаолларининг ҳар

бир учрашуви мазмунли ва самарали ўтишини таъминлаш учун олимлар, давлат ва жамоат ташкилотлари вакиллари иштирокини таъминлашга ҳаракат қилаёلمиз. Бу клуб томонидан амалга оширилиши кўзланаётган ишнинг аниқ режа ва муаммоларсиз амалга оширилишига замин яратади.

«Жасорат» клуби илмий тадқиқот, маънавият ва маърифат, компьютер ва ахборот технологиялари, спорт ва соғломлаш-

тириш, ёшлар мониторинги ҳамда кадрлар йўналишлари бўйича фаолият юритади. Мазкур клуб томонидан шу кунгача бир қатор тадбир ва давра суҳбатлари ташкил этилди. Биргина Кўкон шахрининг ўзида «Чегарам — саждагоҳим, юртим — фахрим», «Ёшлар бугунги ва эртанги кунимизнинг ҳал қилувчи кучидир», «Соғлом турмуш тарзи тарафдоримиз», «Тил — миллат кўзгуси» каби мавзуларда учрашувлар,

давра суҳбатлари, семинарлар олиб борилди.

Азиз ёшлар! Сизлар ҳам тенгдошларингиз билан бирлашиб, орзумидларингизни рўёбга чиқаринг ва тўсиқ бўлаётган муаммоларни биргаликда енгиб ўтинг. «Жасорат» бу ишда сизга таянч ва суянч бўла олади. Зеро, халқимизда «Бирлашган ўзар, бирлашмаган тўзар», деган мақол бежиз айтилмаган.

Нодиржон ЮСУПОВ,
«Turkiston» муҳбири



Атрофга қиш ўз сепини ёйган бўлса-да, чехраларда баҳор табассуми.

Хасан Али олган сурат



Антиқа совға

Канадалик автобус ҳайдовчиси йирик қисқичбақалар билан тўлдирилган жомадон топиб олди.

Жомадонни дарҳол йўлида учраган биринчи полиция пунктига топширди. Музлаткичга қўйилган топилма полицияда кўп қолиб кетмади. Стэйси Нэш исмли киши қисқичбақаларни излаб келди. Унинг сўзларига қараганда, совғага аталган қисқичбақага тўла жомадони машинасидан тушиб қолган. Кимга аталган ҳада эканлигини эса сир тутишни афзал билди. Шунингдек, қисқичбақаларини оларкан, унга ёрдам берганлардан миннатдор эканини айтиб ўтди.

Энг қиммат балиқ

Японияда жойлашган ресторанлардан бири дунёдаги энг қиммат балиқни харид қилди.

Ўтказилган аукционда 222 килограмми Атлантика тунец балиғи 155,4 миллион иена (1,8 миллион АҚШ доллари) баҳосида сотилди. Цукидзидаги тармоқли ресторанларнинг раҳбари Кийоси Кимура бу балиқни иккилашиб ўтирмай сотиб олди. Унинг сўзларига қараганда, балиққа бўлган талаб катта ва янги йил шодиёнаси давом этаркан, мижозлар ҳар куни ресторандан бир янгилик кутишади. Маълумотларга қараганда, балиқ порцияси 398 иена (тахминан 5 доллар)дан сотилади. Бундан олдинги рекорд ҳам айнан Кийоси Кимурага тегишли бўлган ва у ўшанда тунец балиғи учун 56,49 миллион иена сарф қилган эди. Япония табиати муҳофаза қилиш хизмати томонидан бу балиқ камайиб кетаётгани ҳамда тез орада уни овлаш тақиқланиши эълон қилингандан буён тунецга бўлган талаб кескин ошди.

Фақат уй ҳайвонлари ҳақида

Малайзияда уй ҳайвонлари ҳақида фикр алмашиш учун мўлжалланган янги ижтимоий тармоқ ишга тушди.

«Catmoji» дея ном берилган бу тармоққа аъзо бўлиш учун, албатта, бирон уй ҳайвонининг эгаси бўлиш лозим. Малайзияда мушуклар кўп боқилгани сабабли бу тармоқ қисқа муддатда анчагина фойдаланувчига эга бўлди. «Catmoji» фойдаланувчилари ўз интернет саҳифаларини турли уй ҳайвонлари расмлари билан тўлдириш баробарида, бир-бирларига керакли маслаҳатлар беришмоқда. Сайтни яратганлар фикрига кўра, бу уй ҳайвонларига бўлган эътиборни анчагина оширди. Шунингдек, сайтдан ўзингизга ёққан уй ҳайвонини рангига, ёшига кўра топиб, сотиб олишингиз ёки сотишингиз мумкин.

Интернет манбалари асосида
Жавоҳир КАРОМАТОВ
тайёрлади

Малакали мутахассислар кўпаяверсин

Ҳамма соҳада бўлгани каби тиббиёт соҳасида ҳам юртимизда улкан ислохотлар амалга оширилаётган. Айниқса, халқимиз саломатлигини мустаҳкамлаш йўлида малакали тиббиёт ходимларини тайёрлашга алоҳида эътибор берилётгани диққатга сазовор.

Коллежимиз жамоаси ҳам тиббиёт соҳасидаги ислохотларни изчил амалга ошира бориб, малакали ва сифатли кичик тиббиёт ходимларини тайёрлашга асосий эътиборини

қаратган. Бу борада барча йўналишлар бўйича бўлажак тиббиёт мутахассисларига пухта ва мукамал билим беришга ҳаракат қилинмоқда.

Кириб келган янги йилда ҳам

бор куч ва билимимизни пухта тайёргарликка эга бўлган мутахассислар тайёрлашга сафарбар этиб бораверамиз. Янги йил барчамизга хуш кайфият, яхшиликлар олиб келаверсин.

Хатира ХИДИРОВА,
Олмалик тиббиёт коллежи
директори

Йўл ҳушёрликни ёқтиради

Об-ҳавонинг кескин совиб кетиши ва ва кўп қор ёғиши натижасида автомобиль йўлларида қалин муз пайдо бўлди. Натижада, йўлларда ҳаракатланиш ҳайдовчилардан янаям эҳтиёткорликни талаб этмоқда. Ана шундай пайтда баъзи ҳайдовчилар йўлларнинг сирпанчиқ эканлигини, бундай пайтда жуда ҳам эҳтиёткор бўлиш лозимлигини унутиб қўйишяпти.

Тажрибалардан маълумки, йўлларда муз ҳосил бўлганида ҳайдовчилар янада ҳушёр бўлишлари, йўл ҳаракати қоидалари ва ҳаракатланиш хавфсизлиги талабларига қатъий риоя қилишлари талаб этилади. Автомобиль бошқаруви ва унинг тормоз тизимида носозликлар бўлган транспорт воситаларидан фойдаланмаслик керак. Яроқсиз ҳолга келиб қолган, тишлари едрилиб кетган шиналардан фойдаланиш ҳам хавфли ҳолатлар юзага келишини оширади. Бундан ташқари, йўлларда сирпанчиқ ҳосил бўлганда транспорт воситаларининг ҳайдовчилари оралиқ масофани хавфсизлик даражасида ушлашлари, машинани тўхтатишда



кўпроқ узатмалар кутисидан фойдаланишлари лозим. Чунки оралиқ масофа яқин бўлса, транспорт воситасини зудлик билан қисқа фурсатда тўхтатиб қолиш имкони камайди. Узатма кутиларидан фойдаланган ҳолда транспорт воситасини тўхтатиш эса, уни сирпаниб кетишдан сақлайди. Буни етарли тажрибага эга бўлган ҳайдовчиларимиз яхши билишади.

Шунингдек, бизни ташвишга солаётган яна бир муаммо бор, у ҳам бўлса, болаларнинг автомобиль йўлларида сирпанчиқ училари, машиналарга осилиб ўйнашларидир. Болаларнинг бу ўйинқароқлиги оғир оқибатларга олиб келиши мумкинлигини ҳеч вақт унутмаслик керак. Бунинг учун, энг аввало, ҳар бир ота-она фарзандлари ол-

дида масъул.

Шу ўринда республикамиз автомобиль йўлларида содир бўлган айрим йўл-транспорт ҳодисалари ҳақида бир оз тўхталиб ўтсак.

2012 йил 19 декабрь куни соат тунги 2:30 ларда Қарши шаҳрида ҳайдовчи Отабек Омонов шахсий «Дамас» русумли автомобилни бошқариб кетаётган ва йўл четига ағдарилган. Оқибатда, ҳайдовчи касалхонада вафот этган.

Яна бир мисол: 2012 йилнинг 30 декабрь куни соат 17:30 ларда, Самарқанд — Бухоро автомобиль йўлида ҳаракатланиб келаётган А.Абдуллаев бошқарувидаги «Форд» русумли автомобиль ҳайдовчининг эҳтиётсизлиги оқибатида бошқарувни йўқотиб, йўл четига

носозлиги туфайли тўхтаб турган автомобилга келиб урилади. Ушбу ҳодиса натижасида «Форд» русумли автомобиль ҳайдовчиси воқеа жойида ҳалок бўлади ва йўловчиси, ҳайдовчининг турмуш ўртоғи Ю.Усмонова тан жароҳати олиб касалхонага ётқизилади.

Агар ҳар биримиз йўл ҳаракати иштирокчиси сифатида йўл-транспорт ҳодисаларининг ва турли кўнгилсизликларнинг олдини олишга масъулият билан ёндашсак, ўйлайманки, йўл-транспорт ҳодисаларининг камайишига муносиб улуш кўшган бўламиз. Унутманг, йўл ҳушёрликни ёқтиради.

Азизхон МУРОДОВ,
Ўзбекистон
Республикаси ИИБ
ИХХББ инспектори,
катта лейтенант



Шайхонтоҳур тумани болалар ижодиёти марказида ўқувчи-ёшларнинг қизиқишларига қараб турли тўгараклар фаолият кўрсатмоқда.

СУРАТДА: бадий наққошлик тўғараги раҳбари Нозим Бадалов шогирдлари — Хожиакбар Набижонов, Муслимбек Тўлаганов ва Фарход Тоҳировга сабоқ бераёпти.



Psixolog
maslahati

Ўқишларим, оиладаги аҳволим ҳам жуда яхши. Ҳаётда кам-кўстим йўқ. Лекин нима учундир дўстларим бирор ютуққа эришса, ичимда хафагарчиликка ўхшаган бир нарсани сезаман. Уларга ёмонлик қилишни хаёлимгаям келтирмаганман. Лекин бу одатим билан уларга яхши дўст бўлмайманми, деган фикрга бориб қоламан. Нима қилсам бу нохуш одатимдан қутула оламан?

**Жамшид,
Тошкент шаҳри**

Саволга Ўзбекистон давлат санъат ва маданият институти ўқитувчиси, психолог Жавдат Пўлатов жавоб беради:

— Балоғат остонасида баъзи ўсмирларда бундай нохуш ҳолатлар юзага келиши табиий. Табиатан эркак кишилар ёшлигиданоқ сардорликка интилувчан бўлишлари сир эмас. Ана шу хусусият туфайли уларда ҳаётда қай соҳада бўлмасин, энг кучли, энг биринчи бўлиш учун рақобат намоён бўлади. Диққат марказида бўлишга интилиш, эътибор-талаблик кучаяди. Айни пайтда сизнинг ҳолатингизда ҳам биринчи бўлишга интилишни кузатиш мумкин.

Кузатишларимиздан келиб чиқиб айтиш мумкинки, оилада катталар томонидан айтилган ўринсиз танбеҳ ёки эътиборсизлик, тенгдошлар томонидан билдирилган арзимаган камситишлар ҳам инсонда ўз-ўзидан кўнгли тўлмаслик каби руҳий изтиробларни пайдо қилади. Ана шундай кўринмас сабаблар туфайли биринчи бўлишга интилишда иккиланиш кузатилади. Яхшиси, ўзингизни қийнаётган нохуш вазиятдан чиқиш учун ўзингизга муносиб баҳо беринг. Ўзингизни ҳадеб қийинверманг. Балки сизнинг ютуқларингиз дўстларингизникидан ҳам ортиқдир. Ҳар бир ютуқ ортида қанчалик меҳнат, машаққат ётганини ёддан чиқарманг. Сиздан ҳам илғорлар билан бир сафда бўлишга интилинг. Мутахассис сифатида оддий бир усулни тавсия этаман ва шунда сиз ўзингизнинг ҳақиқий аҳволингиз ҳақида тўғри хулосага келасиз деб ўйлайман. Бир варақ қоғоз олиб уни иккига бўлинг. Бир томонга ютуқларингизни, иккинчисига камчиликларингизни ёзинг ва ҳисобланг. Кўнглингиз хотиржам бўлиши учун дўстларингизнинг кўрсаткичларини ҳам шундай усулда кузатиб чиқинг.

YON DAFTAR CHANGIZGA

Сўйилган ҳайвоннинг почасидан пуфласа шишганидай, аҳмоққа ҳам мақтов хуш ёқиб, семиради.

Саъдий Шерозий

КАЛЕЙДОСКОП

СЕТОР БИЛАН ГИТАРА «ҚАРИНДОШ»МИ?

Сетор — чертиб чалинадиган уч торли, дугтор — икки торли мусиқа асбоби. Гитара ҳам чертиб чалинади. Унинг олти ёки еттита тори бўлади, аммо нега унинг номи шаштор ёки ҳафттор эмас? Ҳазил, албатта. Гап шундаки, бу чолғу асбобнинг номи тилимизга испанча guitarra ва грекча kithara сўзларидан ўзлашган.

Ким билади, санаб ўтилган мусиқа асбоблари фақат номдагина бир-бирига яқин эмасдир, а?..

ТЕЛЕВИДЕНИЕНИНГ ВАТАНИ

Телевидение бундан роппа-роса 85 йил аввал юртимизда кашф этилгани ҳақида кўпчилик билади. Бугун унинг имкониятлари шунчалик кўпки, Ер юзининг нариги томонида бўлаётган воқеадан лаҳзалар ичида хабардор бўлиш, уни кузатиш мумкин.

1928 йилда тошкентлик икки ихтирочи (Грабовский ва Белянский) томонидан кашф этилса-да, телевидениенинг мунтазам кўрсатувлари 1931 йилдан намоёиш этиб келинади. 1931 йилдан Франция, 1936 йилдан Англия телекўрсатувлари эфир юзини кўрган. Телевидение ватани саналмиш юртимизда илк телекўрсатув бундан эллик етти йил аввал намоёиш этилган. Ва шундан буён...

БИР ҚАДОҚ ЧОЙ...

Ўтган асрда яратилган бадий асарларда ўқигансиз, кексалардан эшитгансиз, тилимизда «қадок» деган сўз бор. Унинг «меҳнатдан қўли қадок бўлди» деган гапдаги эмас, ўлчов бирлиги сифатидаги маъноси ҳақида гапирмоқчимиз.

Гап шундаки, у килограмм, граммлар ўрнида фаол ишлатилган оғирлик ўлчов бирлиги бўлган. 1 қадок — тахминан 410 грамм.

Мабодо, бобонгизми, болам менга бир қадок кўк чой олиб кел, деб қолса, ўйлаиб ўтирманг тагин, деган маънода айтаямиз-да...

ТДЮИ қошидаги академик лицей ўқитувчиси Азиза ТУРСУНМУРОВА тайёрлади

Кўпчилик қисм, кўп қисм	Эквадор пойтахти	Нав (русча)	Пакана буйвол	Фото	Доривор ўсимлик	"Индана" (б/ф)	Суяк ёви	Индонезиядаги орол
↓	↓	↓	↓	↓	... дунё бу дунё	↓	↓	↓
Моддий ёрдам, нафақа	→				Тоғ гули	→		
Металл арқон	→				Шака ... (баскет-болчи)	→		
Адам (шевада)	→				...туски	→		
Роберт ... (шотланд шoirи)	Яримта (шевада)	... Франсуа (француз физиги)	Орфография, лугат	Хитойдаги шаҳар	Қийма (русча)	"Орзу-инига ..." (қўшиқ)	... жаҳоним	Дедалнинг ўғли
↓	↓	↓	↓	↓	Пойтахти Сува	↓	↓	↓
Ўсимлик тури	→				Кумар (актёр)	→		
РФдаги вилоят	→				Швейцария ва Франдаги дарё	→		
Судралиб юрвчи	→				Электр сими	→		
	Кайфи бор	... мунча	... заҳмат	... секин	... Жан Филипп (фран. ком-тори)	"Мунис ..." б/ф	Футбол бўлими	Дарёдан ажралиб чиққан ариқ
Таъм	↓	↓	↓	↓	Ҳарбий қисм	↓	↓	↓
Атир тури	→				Ра қизи (миф)	→		
Ҳисобчи ҳужжати	→				Германиядаги дарё	→		
Гавда, вужуд	→				Халқ кўпчилиги	→		

Тузувчи: Фахриддин Раҳимов

